



8738 18

Broj: 06-11-2055-5/23
Ilidža, 03.07.2023. godine

Na osnovu člana 70. i 87. člana Zakona o javnim nabavkama („Službeni glasnik BiH“, broj 39/14 i 59/22) i preporuke Komisije za javne nabavke, općinski načelnik donosi:

O D L U K U O IZBORU NAJPOVOLJNIJEG PONUĐAČA ZA JAVNU NABAVKU BROJ 32/23

I

Ponuda **SACOM d.o.o. Sarajevo, ul. Luka bb Ilijaš**, u iznosu od **49.710,00 KM** bez PDV-a, proglašava se najpovoljnijom, za **JN 32/23 „Izgradnja i postavljanje tabli-putokaza sa nazivima ulica“**.

II

Ponuđač **SACOM d.o.o.**, obavezan je u roku od 7 (sedam) dana od dana prijema ove odluke Ugovornom organu dostaviti uvjerenja iz člana 45. stav (2) tačka a), b), c) i d) Zakona o javnim nabavkama.

III

Po pravosnažnosti ove odluke, ugovorni organ će pozvati izabranog ponuđača radi zaključenja ugovora kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u Konkurentskom zahtjevu.

O b r a z l o ž e n j e

Na osnovu odluke o pokretanju postupka broj 06-11-2055-3/23 i obavještenja o nabavci broj 888-1-3-141-3-120/23 od 26.05.2023. godine, pokrenut je otvoreni postupak javne nabavke **JN 32/23 „Izgradnja i postavljanje tabli-putokaza sa nazivima ulica“**.

Ponude su blagovremeno dostavili **BULJAN CESTE d.o.o. Kreševo, ul. Troska bb Kreševo**, **EURO ZNAK d.o.o., ul. Braće Pišteljića br.1, Banja Luka**, **SACOM d.o.o. Sarajevo, ul. Luka bb Ilijaš** i **SAVICO d.o.o. Sarajevo, ul. 6. mart bb Hadžići**

Analizom ponuda utvrđeno je da su ponuđači **BULJAN CESTE d.o.o.**, **EURO ZNAK d.o.o.** i **SACOM d.o.o.** ispunili uslove iz tenderske dokumentacije odnosno da su dostavili tražene dokaze. Ponuđač **SAVICO d.o.o.** nije dostavio Spisak izvršenih ugovora. Naime, tačkom 2.4.1 pod a) tenderske dokumentacije, propisano je da su ponuđači kao dokaz vezano za tehničku i profesionalnu sposobnost ponuđača, dužni dostaviti *„Spisak izvršenih ugovora u posljednjih pet godina, ili od datuma registracije, odnosno početka poslovanja, ako je ponuđač registriran, odnosno počeo sa radom prije manje od pet godina, sa potvrdama izdatim od druge ugovorne strane o uredno izvršenim ugovorima.“*



S obzirom da navedeni ponuđač nije postupio u skladu sa postavljenim zahtjevom iz tenderske dokumentacije odnosno nije dostavio tražene dokaze, ponuda ponuđača SAVICO d.o.o. je odbačena u skladu sa članom 68. ZJN

S obzirom da je za ovu javnu nabavku predviđeno provođenje e-aukcije, ugovorni organ je istu zakazao za 19.06.2023. godine.

Nakon provedene e-aukcije i kriterija "najniža cijena," Komisija za javne nabavke utvrdila je konačnu rang listu ponuđača:

1. SACOM d.o.o. Sarajevo, čija cijena ponude bez PDV –a iznosi 49.710,00 KM
2. EURO ZNAK d.o.o. Banja Luka, čija cijena ponude bez PDV –a iznosi 49.768,00 KM
3. BULJAN CESTE d.o.o. Kreševo, čija cijena ponude bez PDV –a iznosi 50.000,00 KM

Imajući u vidu navedeno, Komisija za javne nabavke predložila je općinskom načelniku donošenje odluke o izboru ponude SACOM d.o.o. Sarajevo kao najpovoljnije, te je odlučeno kao u dispozitivu.

POUKA O PRAVNOM LIJEKU:

Protiv ove Odluke ponuđači imaju pravo da izjave žalbu u roku od deset dana od dana prijema odluke. Žalba se ulaže ugovornom organu u pisanoj formi direktno, ili preporučenom poštanskom pošiljkom. Žalba se podnosi u tri primjeraka.

OPĆINSKI NAČELNIK

Nermin Muzur, magistar uprave

DOSTAVLJENO:

1. Ponuđačima 4x
2. Služba za finansije
3. Služba za koordinaciju rada MZ-a
4. Služba za zajedničke poslove (za objavu na web)
5. a/a

Izradila: Enisa O.M.

Kontrolisao: Benjamin Mešak

